




△
K92-61
3

△
DK6042
188

中國古今地名大辭典

臧勵蘇等編

商務印書館



緣起

吾國幅員遼闊地志浩如煙海偶舉一地欲詳其過去之歷史現在之狀況恆苦不易而較僻者且不知其所在遑論其他余昔從事辭源曾以中國地名之一部入之顧辭源自有體要數僅七千餘而止嗣陸煒士先生創中國地名辭典之議謝君冠生實主其事書未及半冠生以游歐引去中輟者一稔其後余編校中國人名辭典竣復出冠生原藁賡續從事閱三年而始克成書書成而後余亦引去校勘增訂一以委之館中諸君子中間商榷審核郵書往復殆無虛日又閱四年而始克蒞事歷年經過之最感困難者一曰知古之難二曰知今之難知古之難難在考訂知今之難難在調查歷代州域郡縣之因革山川陵谷之變遷經史志乘之訛異考據家類多憑其所見各爲之辭異說紛陳折衷匪易此考訂之難也近時因國防之重要軍事外交之關係實業交通之發展探險選勝之發見名流碩士之營構而新有名於吾國之地日益增多顧其地或不見圖志時人傳述報章記載語焉不詳寓書訪詢又不可盡信此調查之難也

二者之中調查之難視考訂爲尤甚所耗之日力亦愈多儲氏瓘曰知古非難知今爲難蓋已先我言之矣余少喜爲考古之學壯歲而後橐筆走四方東至榆關西至巴蜀南踰嶺嶠北歷燕秦游蹤所至其有關於形勢阨塞郡國利病恆於酒酣耳熱之餘與當地士夫博稽周諮以見證聞以聞證見而所見異辭所聞異辭所傳聞又異辭者不可勝數加之比年政治地理多所改易讎校甫過名稱已更刊落訂正勞費復多覆檢再四訛奪仍所不免欲求無憾戛乎難之中山先生曰行之非艱知之惟艱以吾國之人纂輯吾國之地名辭書而其知之難至此則其他事物之難知十百倍於此更可見矣中華民國十八年三月二十二日武進臧勵蘇識於滬城也是園

例言

一本書上起遠古下迄現代凡吾國地名有爲檢查所需者均參考羣書調查甄錄於古則詳其因革於今則著其形要上下縱橫今古悉備

一經史羣籍地名孔多凡羣經正史國語國策通鑑諸子及各種古籍之有詮釋者本書廣羅各家諸說擇善而從至杜鄭馬三家之書及王厚齋玉海其言方輿並資採取

一地理志昉於班書其後正史代各有志凡史志所載之州郡縣邑必詳其建置釋以今地李氏今釋及各書之誤均爲訂正其他無志各史及六朝時之僑置紛更並採取後人補志分別纂錄至王莽篡漢盡易天下郡縣名號侯景陷臺城契丹入汴皆有改易之類概不屬入

一歷代疆域互有贏縮本書皆舉其國號著其興亡詳其境域封建時代之諸侯割據之五胡十六國五季十國及唐代之藩鎮亦並著錄以便讀史

一史志之外方輿諸書尤爲繁夥魏晉以降代有作者而傳世絕少唐以後之最著者如元和郡縣志太平寰宇記輿地記勝讀史方輿紀要清一統志各省通志等均分別採取以補史志之所不及郡縣志之名世者如吳郡典贍朝邑傑作本書固加搜錄其他各志凡所得見亦資採輯

一 羣山縣互脈絡可尋古有三條四列之說今有南條北條之分雖爲說不同而自西趨東大勢無異
本書備列諸說以備參考至某山某嶺之屬於一邑一地者苟有可傳亦並存錄

一 水道遷移古今無定黃河改道淮濟半湮固其大者其他諸水亦恆有變遷禹貢水經及馬班河渠
溝洫之所載按之今地多有不符酈氏之說在江漢以南又多意爲揣測未可盡憑本書由源竟委
由今溯古博考分疏務求翔實細川支流採輯亦備

一 名城要塞關係國防凡江海雄區邊陲險阨及歷史上之兵爭要地必詳其險易誌其形要並舉故
事以實之他若爲外人租借者舊屬我國今爲他國侵佔者事關交涉而尙未解決者皆詳著之誌
我國恥

一 鐵路爲交通要政凡已成未成及尙在計劃中者於其起迄經過及建築資本之所出均爲詳載其
有名稱變更分條複見藉便檢查

一 鑛山商港關係進化及立國之富源已開採之著名各鑛於其資本產額鑛質調查不厭求詳其未
經開採而已見之記載者亦列舉其名藉便將來開發商港之與外人訂約開放及吾國之自行開
放者均誌其經過詳其盛衰利病商業狀況俾資考鏡

一地以人傳隨在皆有高僧卓錫遂作名山英賢過存都成勝迹凡有名於世之名勝寺觀園亭臺榭
本書悉爲甄採其半歸零落及故址就湮者仍列舊名既備保存亦資憑弔至近人發見之名迹新
構之勝地苟有流傳之價值並爲採登

一村鎮墟集更僕難數以歷史名以軍事名以勝迹名以及鐵路汽船之所經電局郵局之所在舊時
佐治各員之所駐者本書鉤考志乘並據最近調查詳爲纂錄其有志乘所不載者則郵書訪詢或
求之報章及時人記載不得則求之清會典館圖參謀部圖郵區圖各鐵道圖及最新各圖按其地
望詳其所在惟方位道里按圖指素雖大體無誤而鳥道縈迂山川回亘可憑而不盡可憑俟有確
聞再當更正

一地名紛雜淆混滋多各書記載亦多互異說者往往誤一爲二誤二爲一或音聲偶同率爾牽混而
地望全非或輾轉傳訛羣相附會而事實均誤甚至一山一水一鎮一地以方位偶移或分屬兩邑
輒列爲數名數處本書鉤稽考訂誤者正之其有不能妄爲之辭者諸說並存疑以傳疑未敢師心
自用也

一本書自經始至出版歷時已近十年排印校勘亦逾四年政治地理變更孔多皆據最近調查分別

刊改

一 本書調查雖極其能力之所及而卷帙繁重脫略訛誤在所不免宋葛文康公曰記問之博當如陶隱居恥一事不知記問之審又當如謝安不誤一事編者有此願而實未易臻此境海內博雅能有以教正俾得再版改良是所至幸

中國古今地名大辭典

一 畫

【一 女關】在雲南洱源縣。(明史地理志)浪穹縣東北有佛光山。山後險仄。名一女關。

【一 斗泉】在河北房山縣西南上方山象王峯腰。其上多大石鐘乳。乳端水滴。匯而成泉。相傳舊有毒龍踞此山。後漢時華嚴慧嚴禪師驅龍開山。龍竭山泉以行。禪師以錫杖擲之。令留水。僅得一笠。故名。

【一 片石】在河北臨榆縣北七十里。有關城。明末李自成東攻吳三桂於山海關。以別將從一片石越關外。清兵來援。先敗一片石之兵。遂入關。破自成。舊有參將駐防。

【一 合塢】在河南宜陽縣西。又作一全塢。亦曰一泉陽。晉永嘉中魏浚屯洛北石梁陽。族子該聚眾據一泉陽。(水經注)洛水又東逕一合陽南。城在川北原上。南北東三稍天險峻絕。惟築西面。即為合固。一合之名起於是。北周置重兵於此。以備高齊。

【一 禿河】詳伊通河條。
【一 拉溪】在吉林永吉縣西。路

通雙陽縣。

【一 泡江】源出雲南神雲縣北梁王山。南流至九鼎山。歧為三支。一南流曰萬花溪。下流為白崖江。一東南流瀾為青龍海。一東北流瀾為品甸海。瀾周官夢海水與青龍海合。東流折北為一泡江。東北會甸河。至姚安縣注於金沙江。明嘉靖元年。改十

二關長官司於一泡江之西。即此。
【一 前嶺】在熱河阜新縣。產煤。
【一 柱觀】在湖北松滋縣東丘家湖中。(清宮故事)宋臨川王義慶在鎮。於羅公洲立觀甚大。而惟一柱。故名。宋紹興二十年。松滋縣令呂令問移觀之名於大橋。

【一 面坡】在吉林延壽縣南鴉翅河西濱。中東鐵路經之。
【一 面城】在遼寧鐵嶺縣。產金。
【一 倉河鎮】在江蘇東臺縣東南。西距安豐鎮六十里。稍南為三倉河。俱產鹽。

【一 畝泉河】源出河北滿城縣賢臺社。泉自地中湧出。方廣一畝。故名。東合蠶距泉巡城瀦南。東入滹水。

【二 迷河】見伊勒門河條。
【二 宿河】在貴州廣順縣東從仁里。俗傳明建文帝入白雲山時宿於此。因名。

【二 一條山鎮】在甘肅靖遠縣西北。南倚長城。北通寧夏阿拉善額魯特部。
【一 棵樹鎮】在遼寧遼源縣東南。四洮鐵路經之。
【一 都村】在浙江於潛縣北。當東西兩天目山之間。楓柿成林。秋時紅葉滿目。

【一 線天】在江蘇吳縣西洞庭山之石公山。有洞穴深可二丈。廣僅容人。其外方向東斜下。乃一石壁之縫。長可十餘丈。仰望青天。如拖一線。◎在浙江杭縣靈隱山。有玉乳洞。旭光一線。上透極頂。俗稱一線天。◎在浙江樂清縣雁蕩山之靈峯。峯有洞曰靈峯洞。亦名羅漢洞。又曰觀音洞。唐咸通中高僧夜善獨處於此。洞中有漱玉一縷。洗心諸泉。自洞外望。稱一線天。亦曰碧玉天。◎在福建崇安縣武夷山中倉基嶺之西。頂鑄玄巖二字。洞口寬約五丈。內極穹隆。水登潭潭。

洞內甚狹。長可五十餘丈。實則兩巖相倚。構成洞形。中通一線。寬可尺許。至數寸不等。上露天光。故稱一線天。亦曰一字天。(此外以一線天名者甚多。不及備載。)

【二 丁山鎮】即鼎山鎮。
【二 丁令溪水】在甘肅成縣西北。(水經注)丁令溪水北出丁令谷。南逕武階城西。東南入濁水。(成縣志)今有東河。在縣東。源出秦州。南入龍峽。合南河。即丁令溪也。清一統志謂東河即古濁水。非丁令溪。

【丁 卯橋】在江蘇鎮江縣城南三里丁卯港。晉元帝子襄鎮廣陵。還糧出京口。因水涸。奏請立埭。用丁卯日。後人建橋。遂名為丁卯橋。唐許渾嘗築別墅於其側。故其詩集名丁卯集。

【丁 吉牙城】在西藏札什倫布西南四百十里。
【丁 字水】在福建南平縣東南。即建溪西溪。沙溪三水之會口也。以形似名。

【丁字沽】在河北天津縣西北沽之北。大清河入運河。縱橫作丁字形。故名。

【丁字河】在山東海陽縣西南海口。一作丁字港。為萊陽縣出海門戶。其內為金家口。舊時商船多集於此。

【丁字灣市】在湖南長沙縣西北四十里湘江東岸。

【丁江市】在江西吉水縣東南折桂鄉。距縣治四十里。與烏江鋪隔龍溪水相對。

【丁村集】在河南項城縣東北三十里。有橋曰丁橋。跨澗河上。在河北鹽山縣東北三十五里。

【丁谷山】在新疆庫車縣北。上有古寺及塔。多唐碑。

【丁東水】在四川樂山縣舊府學前東百步許。水從洞出。鑿為大井。聲若環佩。鏘然有韻。黃庭堅改名方響洞。詩云。古人題作丁東水。自古丁東直到今。我為更名方響洞。信知山有清音。

【丁奚城】在寧夏靈武縣界。後漢永初六年。羌零昌以漢陽人杜季貢為將軍。別居丁奚城。元初二年。司馬鈞等分道擊零昌。鈞獨進攻。拔丁奚城。後任尙擊破先零羌於丁奚城。

【丁家山】在浙江杭縣。靈隱山南高峯之支山也。上有岡阜。俯瞰全湖。水天一碧。又名一天山。舊時荒塞。入迹鮮至。清雍正間開磴道數十級。達於山頂。山中奇石林立。狀類芭蕉。磴道之南。石壁高丈許。前一石如屏。因稱蕉屏。屏以內有石床石几。撫琴撫之。古音疏越。響入行雲。故蕉石鳴琴。為勝景之一。

【丁家伙鎮】在江蘇江都縣東北。西南距仙女廟鎮二十里。

【丁家坳】在四川璧山縣西南七十里。為巴蜀通衢。

【丁家房身】在遼寧法庫縣西南五十里。道出新民縣。

【丁家所】在江蘇如皋縣東北。接東臺縣界。

【丁家河】在湖北南漳縣。產銅。

【丁家洲】在安徽銅陵縣東北十五里。宋德祐初賈似道師次蕪湖。使孫虎臣為前鋒。軍於丁家洲。

【丁家畝】在湖南臨湘縣。產鉛。

【丁家埠集】在河南商城縣東南一百三十里。當決河南岸。道通安徽霍山縣。

【丁家溝】在山東安丘縣。產銀。

已開。

【丁家道口】在河南商丘縣東北三十里。接虞城縣界。舊有管河主簿駐此。明置巡司。後省。(虞城縣志)丁家道口在縣西四十里。又有羅家口在縣北。昔河防要地。亦作丁鎮。

【丁家邊】在江蘇句容縣。產煤。

【丁家灣】在四川西陽縣。產硃砂。鉛。

【丁郎山】在廣西岑溪縣東三十里。以漢孝子丁密而名。其下有孝感泉。或謬為丁蘭山。一名蝴蝶山。

【丁堰鎮】在江蘇如皋縣東四十里。運鹽河濱。明嘉靖中倭賊嘗犯此。在江蘇武進縣東南十五里。當運河北岸。東距戚墅堰十里。

【丁莊灣】在察哈爾沽源縣西北三十里。舊有把總駐守。後移駐多倫地。仍名丁莊灣。

【丁畱縣】南朝宋置。南齊因之。今闕。當在廣西舊梧州府境。

【丁溝鎮】在江蘇江都縣東北。接泰縣界。

【丁溪場】在江蘇東臺縣北。產海鹽。其北有小海場。後併入丁溪。清時設鹽課大使。民國設場知事。

【丁當丁山】在雲南永平縣西南

境。即傳南山。一名金浪巖山。俗訛為丁當丁山。崇峻峻峻。陟降三十餘里。為西陲通衢。舊置哨於此。

【丁零州】唐置。今闕。當在新疆土魯番縣境。

【丁旗堡】在貴州鎮寧縣境。

【丁橋街】在湖北鄂城縣西七十五里。橋跨丁橋港上。為西入武昌縣要路。丁橋港長四里。南受武城湖。段塘湖之水。北匯龍家湖以入大江。

【丁橋集】在河南鄆陵縣東北十八里。當雙洎河南岸。與扶溝縣接界。

【丁鎮】詳丁家道口條。

【丁樂集】在河南滑縣東南。近河北長垣縣界。

【七十二沽】河北水名。今在天津者二十一沽。曰丁字沽。東沽。西沽。三沽。小直沽。大直沽。賈家沽。邢家沽。鹹水沽。葛沽。唐沽。草頭沽。桃源沽。盤沽。四里沽。郭善沽。教家沽。東泥沽。中泥沽。西泥沽。大沽。此二十一沽。從西潞河名也。餘皆在寶坻。寧河兩縣境。

【七十二泉】在山東歷城縣。(齊乘)歷下名泉。曰金線。趵突。皇華。柳絮。臥牛。東高。漱玉。無愛。石灣。酒泉。湛露。滿井。北黃樓。散

水。漢亭。濯纓。灰泉。知魚。硃砂。劉氏。雲樓。登州。望水。洗鉢。淺井。馬跑。舜井。珍珠。香泉。鑑泉。杜康。金虎。黑虎。東蜜脂。西蜜脂。孝感。玉環。羅姑。混沙。灰池。南珍珠。芙蓉。滴水。灰灣。懸清。雙桃。溫泉。汝泉。龍門。染池。懸泉。都泉。柳泉。車前。煮糠。爐泉。白虎。甘露。林汲。白泉。金沙。白龍。花泉。獨孤。醴泉。漿水。南煮糠。苦苣。熨斗。鹿泉。龍居。合章丘百脈。總七十二。見名泉碑。

【七女池】在陝西城固縣北。接洋縣境。(水經注)增水東逕七女家。元嘉六年。大水破墳。墳崩出銅。不可稱計。得一磚。刻云。項氏伯無子。七女造椁。世人疑是項伯家。水北有七女池。(明一統志)七女池在漢中府洋縣。漢中記。昔人無男。養七女。父沒。女於此質土。各為一家。遂成此池。其家三在城固縣。四在洋縣。

【七女津】在山東東平縣西北。昔時河津也。南朝宋元嘉七年。到產之等復河南地。還保東平。北魏兵來寇。諸軍會於七女津。即此。

【七女湖墟】在廣東博羅縣東北東江右岸。隔江與惠陽縣接界。

【七子山】在山東海陽縣西北七十里。一山八峯。大峯居中。七峯羅立。儼如兒孫。因名七子。○在江蘇吳縣西南陸墓山西。

【七山】在江蘇沛縣西南三十里。亦名戚山。縣之鎮山也。

【七山砦】在江蘇沛縣西南三十里七山下。俗稱栖山坪。清初為七山集。乾隆四十六年河決。舊縣衝沒。縣移治此。明年。即建縣城。咸豐元年。河決。城復陷沒。縣遷夏鎮。十一年。仍還原治。於舊城南關築土垣。蓋就民營築也。

【七井子】即遼寧開通縣治。當洮遼驛路之東。白廟寺之西南。清光緒三十年。自哈拉烏蘇移縣治此。

【七公鎮】金置。今河北南宮縣地。

【七引店】在安徽英山縣北七十里。舊有巡司。道通霍山縣。

【七尺渡】在浙江雲和縣西。接龍泉縣界。有間道達石塘及松陽。羣山四合。至為險要。一作七赤。

【七白墟】在廣東化縣西三十五里。道通廉江縣。

【七圩港鎮】在江蘇泰興縣南。七圩港由此西出通大江。

【七曲山】在四川梓潼縣北。(寰宇記)鄧國志云。張惡子昔至長安。見姚萇。謂曰。却後九年。君當入蜀。若至梓潼七曲山。幸見尋。至建元十二年。袁隨楊安南伐。未至七曲山。迷道。遊騎忽見一鹿。逐至廟門。鹿自死。追騎共刺之。有頃。萇至。悟曰。此是張君為吾設主客之禮。烹食而去。

【七老圖嶺】在熱河圍場縣西。與安嶺之南支也。

【七甸鋪】在雲南呈貢縣東北三十里。四通昆明縣。東通宜良縣。舊置哨。潭越鐵路經之。

【七角井鎮】在新疆鄯善縣東北。北接鎮西縣界。西通奇臺縣界。為往來要衝。

【七里山】在湖南衡陽縣南五十里。產鐵。又縣西南亦有七里山。亦產鐵。

【七里市】在江西贛縣東買水北岸。為東鄉入城衝要。(九域志)贛縣有七里鎮。

【七里江】在湖南新化縣。產錫。已開。

【七里河】在湖北沔陽縣東一里。(寰宇記)夏水合諸水入漢。漢人名七里河。即風原逢漁父處。

【七里坪】在湖北黃安縣東北三十里西界河東岸。

【七里岡】在安徽六安縣西二十五里。明正德中流賊趙風子自河南光山走六安。官兵追敗之於此。

【七里店】在河南開封縣北二十里。今圯於水。五代漢隱帝末郭威自鄴舉汴。漢軍拒之。皆潰。帝獨與三相及從官數十人宿於七里店。即此。

【七里河鋪】在河南洛陽縣西十里瀾河西岸。隴秦豫海鐵路經其北。

【七里海】在河北寧河縣西南四十里。舊屬寶坻縣。古九十九淀之一。北曰後海。南曰七里海。受北運河之引河及天津各引河之水。南流合蘆運河。由北塘入海。與北塘通潮沙。(畿輔通志)七里海。即北運河青龍灣藉以蓄洩者也。地形窪下。聚潦歸焉。水盛則極目無涯。歲旱諸淀皆涸。惟七里海尚有寧軍沽一道。下通北塘湖沙。然水淺道狹。舟楫不至。清雍正五年。怡賢親王濟寧軍沽河。起淮魚洶。達北海口。長百四十里。估帆遂通。

【七里淀鎮】在河北滄縣東南二十七里。

【七里街】在安徽石埭縣西百五

十里。縣舊治此。道出貴池。

【七里墟鎮】在江西進賢縣北十

六里。傍七里岡爲市。

【七里澗】在河南洛陽縣東。晉

大安二年。成都王穎使陸機爲前鋒。

進逼洛陽。長沙王又拒破之。機軍赴

七里澗。死者如積。水爲不流。〔水

經注〕穀水東合七里澗。澗有石梁。

即族人橋也。○在河南陝縣。古曹陽

也。見曹陽墟條。○見七里關條。

【七里營鎮】在河南新鄉縣南。

東南距陽武縣三十三里。

【七里鎮】在安徽石埭縣西一百

五十里。即石埭故縣。

【七里瀨】在浙江桐廬縣嚴陵山

西。一名七里灘。〔寰宇記〕七里瀨。即

富春渚也。兩山聳起壁立。連亘七里。

土人謂之瀨。水駛如箭。諺云。有風七

里。無風七十里。言舟行難於牽挽。

惟視風爲遲速也。

【七里關】在湖南常德縣北萬金

村。古名七里澗。〔南史沈約傳〕司

馬休之黨郭亮之屯據武陵。武陵太守

王鎮惡出奔。沈林子率軍討之。斬亮

之於七里澗。以納鎮惡。〔後因設關於

此。○在陝西涇陽縣南一百五十里。

爲楚蜀之衝。舊置銅錢關。後以山僻

難守。移建於七里溝。故名。清設守

備駐此。後改設都司。

【七里灣橋】在四川雙流縣東十

三里。爲省南衝衢。其水西源金花堰。

東合簇橋河。俗名小金花橋。

【七虎林河】在吉林虎林縣。發

源密山縣北老嶺山。東流二百里至縣

治北。入烏蘇里江。縣以此得名。

【七金山】在熱河平泉縣東一百

二十里老哈河東岸。蒙古名和爾博勒

津山。〔遼史地理志〕聖宗過七金山土

河之濱。南望雲氣。有郭郭樓閣之象。

因議建都。〔金史地理志〕北京大定

府。有七金山。山有七峯。因名。

【七門灘】在四川江津縣西七十

里。〔輿地紀勝〕有大石橫江。凡七處。

望之如門。因名。

【七姬廟】在江蘇吳縣城北任蔣

橋西南。元至正二十七年。明太祖遣

徐達等圍張士誠於姑蘇。其婿潘元紹

知事急。召妾七人。諭以事勢。同時

縊死。於屍瘞於後園。淨陽張羽爲懼

志以表其烈。廟址即潘氏故園。見〔朱

象賢聞見偶錄〕。

【七星山】在福建霞浦縣東南。

七星浮立海面。明嘉靖中官軍嘗敗倭

於此。○在廣東文昌縣北。〔輿地紀

勝〕在文昌縣界海濱。狀如七星連珠。

〔明統志〕山有七峯。亦名七洲洋山。

○在廣西桂林縣東二里隔江。亦名七

星巖。〔桂海虞衡志〕七星巖。七峯

位置如北斗。又小峯在旁曰輔星石。

山中有樓霞洞。洞旁又有玄風洞。宋

柳開有銘。下有冷水巖。宋曾布爲桂

帥。因改名曾公巖。○在貴州都勻縣

北七里。峯巒拱立。如七星。貴州通

志〕山內有洞。頗清幽。中有深潭。

風疾濤沸。寒氣逼人。○在貴州畢節

縣西九十里。山有七峯如星。

【七星河】在貴州畢節縣。即烏

江上游。流經七星閣下。名七星河。

清一統志謂七星閣水。即牂牁江。下

流會可渡河爲盤江誤。

【七星橋】在四川成都縣西。相

傳秦守李冰所造。漢光武謂吳漢曰。

安軍宜在七星間。即指此。〔益州記〕一

長星橋。今名萬里。二員星橋。今名安

樂。三員星橋。今名建昌。四夷星橋。

今名筆橋。五尾星橋。今名神尼。六

冲星橋。今名永平。七曲星橋。今名

昇仙。

【七星關】在四川茂縣南四十五

里。唐高駘鎮四川。復戊望星關。即

此。關前山有小孔七。大孔一。穿山

而成。如七星伴月然。故名。關南樓

道。臨江倚巖。古稱絕險。明嘉靖時

副使張問之鑿崖開修。旁有偏橋。○

在貴州畢節縣西九十里七星山上。下

臨七星河。有城當湘黔滇蜀四省之驛

程。懸崖壁立。據爲重險。相傳諸葛

亮南征時碼牙於此。元末大理段功追

敗明玉珍於七星關。明傅友德自曲靖

引兵搗烏撒。大破蠻兵。得七星關以

進畢節。皆此。○在貴州平越縣北五

里。〔黔記〕府境東北由七星關地松水

洞。阿亮寨。打鐵關。翁埋寨。上塘陂洞

至平越行府。共九十餘里。

【七星巖】在福建崇安縣武夷山。

峭壁千尺。中崖構樓閣。居者由上縋下

而入。○在廣東高要縣城北。峯錯落凡

七。其中一峯。宏開巖壑。虛明昭曠。

可容數百人。嘉石穹隆。清泉映帶。爲

一方奇觀。○詳七星山條。

【七泉】在湖南道縣東。〔唐元

結銘序〕道州東郭有泉七穴。一曰德

泉。次曰沁泉。次曰淳泉。汾泉。德

泉。欲飲者有所感發。一泉命曰浸泉。

一泉出山東。故命之曰東泉。各刻銘

以記之。

【七洲洋】在廣東海南大島萬寧

縣東南。即西沙羣島所在。〔海國圖

見錄) 七洲洋。凡往南洋者必經之。其東北有長沙石塘等磯。舟行宜慎。相傳洋中有箭鳥。凡船到洋中。輒飛來引導。

【七家子村】在熱河阜新縣。產煤。

【七家園】在湖北恩施縣。產煤。已開。

【七峯山】在山西大同縣西南四十五里。七峯並列。有青石盤旋至頂如龍狀。故又名玉龍山。壁有石洞天橋。登者援鐵索而上。下視諸山。若凌空然。

【七浦】一名七鴉浦。又作七丫浦。亦名七浦塘。在江蘇常熟縣東南。西通陽城湖。南通巴城湖。北通白茆港。東入太倉縣界。以注於海。

【七級堡】在河北威縣北七十里。接南宮縣界。

【七級鎮】在山東陽穀縣東北運河之東。路出聊城縣。有古渡。相傳唐田真兄弟哭活柴荆於此。○在山西臨晉縣西南二十七里。道通永濟縣。

【七郎山】在陝西宜川縣西南。城跨其上。上有石門及山岩。相傳楊業之子七郎所築。

【七國】戰國時秦、楚、燕、齊、韓、趙、魏、是也。七國並為強國。亦稱七雄。○漢景帝時吳、楚、趙、膠西、濟南、菑川、膠東。亦稱七國。同時作亂。故史稱七國之亂。

【七逕墟】在廣東電白縣西北潭儒河左岸。東南距水東墟十九里。

【七部縣】唐置。後廢。故治在今四川鹽源縣境。

【七麻堡】宋置。後廢。在今甘肅通渭縣境。

【七棵樹屯】在黑龍江呼蘭縣西。中東鐵路經之。

【七琴墟】在江西新淦縣東四十里。路通豐城樂安二縣。

【七都村】在安徽石埭縣西南。當小溪水北岸。路通祁門貴池兩縣。

【七匯鎮】在江蘇青浦縣東北崧澤塘濱。

【七源州】唐置。為鞏州。宋因之。今闕。當在廣西舊太平府境。

【七溝汛】在熱河平泉縣西五十里。舊有外委戍守。

【七溪嶺】在江西寧岡縣北十里。長二十餘里。兩山夾峙。險峻如甌吭。林木交蔭。有泉流榮燒。為七溪三十六澗。

【七葉塢】在安徽宿松縣。產煤。已開。

【七道溝】在遼寧臨江縣東南。產沙金。

【七臺山】在福建邵武縣南百五十里。(方輿勝覽) 上有七級。峯巒相比。故名。○在四川萬源縣南百五十里。山高而平。數十峯環之。圓如伏釜。清嘉慶初教衆據此起事。後為額勒登保所破。

【七閩】東南方之閩。種有七也。(周禮職方氏疏) 叔熊避難於漢蠻。隨其俗。後分七種。故謂之七閩。浙江之舊溫台兩府。及福建全省。皆古閩地。

【七盤山】在陝西藍田縣南十里。亦曰七盤嶺。(唐書尙可孤傳) 朱泚之難。可孤率兵道襄鄆而西。屬賊兵銳。乃擊七盤。(通典) 七盤十二稜。藍關之險路也。○在陝西褒城縣北。(唐元稹詩) 迤邐七盤路。(褒城縣志) 山在縣北雞頭關下。由此入連雲棧。最為險峻。○在四川巴中縣西北一百二十里。(四川通志) 唐久視元年。於七盤山東南置七盤縣。因山為名。即此。

【七盤縣】唐置。因七盤山為名。宋省。故治在今四川巴中縣西北一百二十里。

【七盤嶺】在遼寧寬甸縣東十五里。產煤。○在四川廣元縣北一百七十里。一名五盤嶺。與陝西寧羌縣接界。自昔為秦蜀分界處。石磴七盤而上。因名。(杜甫詩) 五盤雖云險。山色佳有餘。嶺有七盤關。明末李自成由寧羌破七盤關。分三道入蜀。○在陝西藍田縣南。即七盤山。

【七賢店】在山東臨朐縣東南。當魚合水南。為通安丘縣孔道。

【七樹莊】在河北豐潤縣西二十里。當還鄉河濱。

【七擒渡】在四川榮經縣東十五里孟山下。一名孟渡。為縣中八景之一。

【七澤】在湖北境。(司馬相如子虛賦) 臣聞楚有七澤。嘗見其一。未觀其餘也。臣之所見。蓋特其小小者耳。名曰雲夢。

【七嶺子】在遼寧遼陽縣南。

【七礮隴】在江西星子縣。產白土。

【七寶山】在山東莒縣。產銅。○在山東膠縣。產金剛石。已開。○在安徽無為縣東北五十里。與巢縣接界。對峙者曰濡須塢。為東關。此山為西關。相距十里。魏人築關以拒吳。

◎在浙江杭縣吳山南。以山有七寶寺得名。其巖石坦平。號大觀臺。◎在綏遠歸綏縣東八十里。(明統志)山下有金屯兵城。或曰即漢五原郡。

【七寶寨】在陝西紫陽縣。產煤。

【七寶鎮】在江蘇青浦縣東南四十五里。以寺名。右為橫瀝。前臨蒲匯塘。為青浦與松江。上海三縣分界處。市况頗盛。明初置稅課局於此。

【七竈鎮】在江蘇南匯縣西北三十里。北面七竈港。商肆寥寥數家。

【又安府】明置。宣德後入於安南。在今安南東京南八百里。

【七河鎮】在吉林寧安縣北牡丹江東濱。為通糧接縣大路。中東鐵路經之。

【九十九洲】在湖北江陵縣西南六十里。分屬枝江松滋二縣界。(水經注)盛安之曰。自枝江縣西至上明。東及江津。其中有九十九洲。(南史梁元帝紀)江陵先有九十九洲。桓玄為荊州刺史。鑿破一洲。以應百數。隨而崩散。太清末枝江楊閣浦復生一洲。明年而帝即位。承聖末其洲與大岸相通。唯九十九云。

【九十九隴】在貴州鎮寧縣北百餘里。(貴州通志)周圍百餘里。兩水界

其左右。外開重關七八所。內藏九十九隴。大小不等。彎環如帶。分門別戶。道通一線。中平衍可耕。四面奇峯插漢。最高者曰高峯山。俗傳羅鬼弄兵於此。

【九千五鎮】在吉林賓縣東南。道通同賓縣。

【九女原】在河南商城縣東。唐元和十年。壽州刺史李文通討吳元濤。夜出九女原。即此。

【九女集】在山東城武縣西南堤河南岸。為赴曹縣孔道。

【九子石鎮】在江西萬載縣北蜀水北岸。路通上高宜豐兩縣。

【九山】(淮南子墜形訓)何謂九山。會稽。泰山。王屋。首山。太華。岐山。太行。羊腸。孟門。

【九山城】在安徽盱眙縣西北。梁天監二年。魏元澄入寇。分命諸將犯淮陵九山。即此。

【九弓橋市】在湖南寶慶縣西南三十里資江東岸。接武岡縣界。為往來大道。一作九公橋。

【九井山】在安徽當塗縣南十里。(伏滔北征記)「丹陽山有九井。大司馬桓溫所鑿也。今五井已竭。四井通大江。」殷仲文九日從桓溫登九井賦詩。

即此山也。

【九井鎮】在安徽舒城縣西四十里。(九域志)舒城有九井鎮。

【九公橋市】即九弓橋市。

【九尺舖】在四川彭縣東二十里馬水河濱。道通廣漢縣。

【九支城】在四川蘆縣東南。宋置九支縣。尋廢為九支城。今地名九支城。

【九王鎮】金置。今闕。當在山西境。

【九仙山】在山東諸城縣西南九十里。山勢高聳摩空。嘗有仙人居之。(蘇軾詩)九仙今已壓京東。◎在福建閩侯縣城內東南隅。(寰宇記)「越王九日宴於此。亦名九日山。」又昔傳何氏兄弟九人於此學道上昇。故曰九仙。(福州府志)舊名于山。後改今名。◎在福建將樂縣東二十餘里。崇岡疊嶂。如龍翔鳳翥。又如獅伏牛鬪。在邑中山為最高。夏無暑日。冬月常雪。舊傳有九異人煉丹於此。◎在福建尤溪縣南七十里。又名蓬萊山。(閩書)峯巒秀拔。人跡罕到。

【九名九姓長官司】明置九名九姓獨山州長官司。以司境有九姓苗為名。後陞為獨山州。清因之。今為

貴州獨山縣。

【九州】古分天下為九州。創制之始。其說不一。(周公職錄)黃帝劉地布九州。(帝王世紀)夏商皆徐揚荆豫梁雍九州。顛帝所建。(春秋緯)「人皇氏分九州。」其後夏殷周三代皆分九州。而制各不同。(甲)「書禹貢」冀州。濟河惟兗州。海岱惟青州。海岱及淮惟徐州。淮海惟揚州。荆及衡揚惟荊州。荊河惟豫州。華陽黑水惟梁州。黑水西河惟雍州。此夏制也。(乙)「爾雅釋地」兩河間曰冀州。河南曰豫州。河西曰雍州。漢南曰荊州。江南曰揚州。濟河間曰兗州。濟東曰徐州。燕曰幽州。齊曰營州。孫炎謂為殷制。班固漢志謂殷因於夏。無所變更。杜佑亦云爾雅之文。未可據為商制。(丙)「周禮職方」東南曰揚州。正南曰荊州。河南曰豫州。正東曰青州。河東曰兗州。正西曰雍州。東北曰幽州。河南曰冀州。正北曰并州。此周制也。禹制九州。有青徐梁而無幽并營。爾雅有徐幽營而無青梁并。職方有青幽并而無徐梁營。此其不同之點也。

【九州鄉】在福建龍巖縣南五十里。有鐵鑛。鄉人用法開採。

【九州鎮】今江西會昌縣治。(賈

【書經注】「古者禮先入江。禮當九江。數外。今考朱子文集及漢史及江陵新志。更定九江。曰瀟江。湘江。秦江。濱江。沅江。漸江。序江。(即叙水)辰江。西江。」按此說視會說去無遺二水而益以瀟蒸。禹貢雖指云。朱子據導江文。江先合禮而後過九江。故不數禮。無字誤作元。朱子以為亡是。故置之。近世主宋儒者多宗此說。姚鼐則以此說為非。○(寰宇記)「浙江。揚子江。楚江。湘江。荆江。漢江。南江。吳江。松江。為九江。」此總南條諸水為九江。非禹貢之九江也。

【九江府】明置。清因之。屬江西省。治德化縣。民國廢府。改德化縣為九江縣。

【九江郡】秦置。今江蘇省江以北南部及安徽省江以北南部。與江西省。皆其地。治壽春。即今安徽壽縣。漢郡治同。○後漢置。治陰陵。晉廢。故城在安徽定遠縣西北六十五里。○隋以壽陽郡改置。治盩厔。唐改為壽陽。即今江西九江縣治。

【九江墟】在廣東南海縣西南西江左岸。東界順德縣。南界鶴山新會二縣。商務繁盛。為縣屬重鎮。清時有主簿及守備駐防。一名九江鄉。亦

作九江鎮。清朱次琦隱居於此。學者稱為九江先生。

【九江縣】漢柴桑尋陽二縣地。隋廢柴桑。改置尋陽縣。尋改曰彭澤。又改曰益城。復改曰壽陽。五代時南唐改曰德化。明清皆為江西九江府治。清九江鎮總兵駐此。民國廢府。改德化縣為九江。舊為江西潯陽道治。地當長江中流。為江西省門戶。隔江與小池口相對。商埠在西門外。清咸豐八年。中英天津條約訂開。為長江三口之一。商業以茶為大宗。與湖北之夏口。福建之閩侯。為中國三大茶市。凡本省及安徽南部所產之茶。皆集中於此。分運漢口。上海。景德鎮之瓷器。亦由此輸出。有鐵路達於南昌。稱南潯鐵路。亦稱九南鐵路。

【九百戶】在河北盧龍縣西南。接灤縣界。東南距北寧鐵路之雷莊站十五里。

【九羊峯】宋置。本名九羊谷。元符初建為峯。金改為秦。元廢。今甘肅固原縣地。

【九老堂】在河南洛陽縣舊東都履道坊。唐白居易故宅。集同時九老為尚齒會。九老。胡杲。吉旼。劉真。鄭據。盧真。張渾。李元爽。僧如滿

也。居易有詩并序。

【九佛堂】在熱河凌源縣。產石油。

【九坑】在浙江淳安縣西八十五里。產錫礦。

【九成宮】在陝西麟遊縣西。隋書高祖紀開皇十三年幸岐州。詔營仁壽宮。(元和志)九成宮。即隋仁壽宮。每歲避暑。春往冬還。(麟遊縣志)宮遺址無考。惟九成萬年兩古碑尚存。(顯奕武金石文字記)唐九成宮醴泉銘。魏徵撰。歐陽詢書。

【九成臺】舊名聞韶臺。在廣東曲江縣治北城上。宋郡守狄成建。(韶州府志)宋建中靖國元年。蘇軾與蘇伯固北歸。狄守延飲臺上。伯固謂舞南巡奏樂於此。臺宜名九成。軾即席為銘。自書刻石臺上。後以元祐黨事。碑毀臺圯。

【九折坂】在四川榮經縣西邛崃山。(漢書王尊傳)先是王陽為益州刺史。行部至邛崃九折坂。嘆曰。奉先人遺體。奈何數乘此險。後以病去。及尊為刺史。至其坂。問吏曰。此非王陽所畏道耶。吏對曰是。尊叱其取曰。驅之。王陽為孝子。王尊為忠臣。(華陽國志)邛崃山本名邛笮山。故邛笮

人界也。巖阻週曲。九折乃至。

【九折峯】在浙江天台縣東北三十里。(孫綽天台山賦)既克濟于九折。路威夷而修通。

【九角腦】在湖南沅陵縣。產鉛。已開。

【九里山】在山東歷城縣東北九里。相傳韓信破齊歷下。嘗駐軍於此。○在江蘇銅山縣北五里。山長九里。故名。相傳為劉項戰場。(魏書地形志)彭城有九里山。(寰宇記)其山有穴通瑯琊王屋。俗呼黃池穴。亦名九疑山。

【九里店】在山東蓬萊縣西九里。為通掖縣孔道。

【九里松】在浙江杭縣西湖。又名九里雲松。(西湖志)唐刺史袁仁敬植松於行春橋。西達靈竺。陰如靄雲。故名。

【九里關】在河南羅山縣西南一百二十里。西連信陽縣界。南接湖北應山縣界。即黃峴關。(輿地紀勝)黃峴關。今名九里關。盤據山險。最扼要。義陽三關之一也。明置巡司於此。(清一統志)明時置巡司於黃峴關。名九里關巡司。

【九京山】見九原山條。

【九姑嶺市】在安徽宿松縣東南